



Praza Agustín Díaz, 1 local 5
Complejo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



ANEXO I

REGULAMENTO DE DISCIPLINA DEPORTIVA DA FEDERACIÓN GALEGA DE PESCA

TITULO I DA DISCIPLINA E XUSTIZA DEPORTIVA

CAPITULO I

DISPOSICIÓN XERAIS

Artigo 1.- Obxecto e ambito de aplicacion.

1.- O obxecto do presente Regulamento é o desenvolvemento da normativa disciplinaria deportiva, as normas aplicables ás distintas entidades afiliadas e as persoas que as integran, nas competicións de ambito Autonómico da Federación Galega de Pesca e Casting, de aquí en diante FGPeC, de acordo co Título VI dos seus Estatutos e en concordancia coa Lei 3/2012 de 2 de Abril do Deporte de Galicia, e as súas respectivas disposicións de desenvolvemento e o Real Decreto 1591/92 de Disciplina Deportiva.

2.- A competición é unha actividade ou un tipo de enfrontamento que se limita ó deportivo, e que supoñe respetar determinado tipo de regras ou de regulamento, cumprir con determinados requisitos e ter en vista a obtención dun trofeo, medalla ou victoria, mediante ou por medio dunha clasificación, puntuación ou categoría definidas por un Regulamento de Competicións. Deste xeito, enténdese por competición un tipo de actividade deportiva que supón o enfrontamento de dous ou máis equipos ou deportistas cumprindo determinadas regras e requisitos. A competición deportiva enténdese coma leal e nobre xa que dentro das regras e normas a cumprir sempre se pon por diante o xogo limpo, a honra e o respecto polos demais adversarios, deportistas, competidores, xuíces, árbitros e demais persoas relacionadas coa organización desas competicións.



Praza Agustín Díaz, 1 local 5
Complejo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



3.- Aos efectos deste Regulamento, o ámbito da Xustiza e da Disciplina Deportiva abranguen ás infraccións ás regras da competición ás normas xerais deportivas previstas na Lei 3/2012 do Deporte de Galicia, nas súas disposicións de desenvolvemento, nos Estatutos e regulamentos da FGPeC e demais normas e Leis que sexan de aplicación ás distintas entidades afiliadas á mesma e aos deportistas que as integren.

4.- O disposto no presente Regulamento resultará de aplicación para todo tipo de actividades deportivas ou competicións de pesca, de ámbito Autonómico, ou que afecten ás persoas, físicas ou xurídicas, que nelas participen.

Artigo 2.- Cualificación de actividades e competicións.

Considéranse actividades ou competicións oficiais aquelas que así se cualifiquen pola FGPeC no seu calendario, e en todo caso os campionatos e ligas que sexan clasificatorios para competicións oficiais de ámbito autonómico ou nacional.

Artigo 3.- Clases de infraccións

1.- Son infraccións ás normas xerais deportivas as accións ou omisións que sexan contrarias ao disposto por ditas normas, sempre que o seu contido teña un evidente carácter deportivo, e non social.

2.- Son infraccións ás regras de xogo ou competición de pesca deportiva, as accións ou omisións que, durante o curso da competición, vulneren, impidan ou perturben o seu normal desenvolvemento.

Artigo 4.- Compatibilidade da disciplina deportiva.

1.- O réxime disciplinario deportivo é independente da responsabilidade civil ou penal, así como do réxime derivado das relacións laborais, que se rexerán pola lexislación que en cada caso corresponda.

2.- A imposición de sancións en vía administrativa, conforme ao previsto na Lei 3/2012 do 2 de abril do Deporte de Galicia e as súas disposicións de desenvolvemento sobre prevención da violencia en espectáculos deportivos, non impedirá, no seu caso e atendendo ao seu distinto fundamento, a depuración de responsabilidades de índole deportiva a través dos procedementos previstos na lexislación aplicable, sen que poidan recaer sancións de idéntica natureza.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



CAPITULO II DA ORGANIZACIÓN DISCIPLINARIA E DE XUSTIZA DEPORTIVA NA FGPeC.

Artigo 5.- Potestade disciplinaria.

1.- A potestade disciplinaria atribúe aos seus titulares lexítimos a facultade de investigar e, no seu caso, sancionar e corrixir ás persoas, físicas ou xurídicas, sometidas á xustiza e a disciplina deportiva segundo as súas respectivas competencias.

2.- O exercicio da potestade disciplinaria deportiva dentro da FGPeC, para as competicións e actividades deportivas ou normas xerais deportivas das entidades de ámbito de actuación autonómica, corresponderá ás seguintes persoas ou entidades:

a) Xuíces ou árbitros, Xurados e Comités de Competición ao longo do desenvolvemento dos encontros ou probas, con suxeición ás regras establecidas nas disposicións de cada modalidade deportiva.

b) Asociacións e Clubs deportivos, sobre os seus asociados, deportistas, técnicos, directivos e administradores e, en xeral, a todas aquelas persoas e sociedades ou clubs que, en condición de federados, inscritos previamente no Rexistro de Entidades Deportivas e Deportistas de Galicia, desenvolvan a modalidade de pesca deportiva correspondente no ámbito da Comunidade Autónoma.

c) Comité de disciplina ou Xuíz Único de Competición, competencias que se recollen no Título III, Capítulo VI, Sección Primeira Artigos 73 e 74 dos Estatutos da FGPeC.

d) Comité de Apelación, coas súas competencias definidas no Título III, Capítulo VI, Sección Segunda, Artigos 75 a 78 dos citados Estatutos.

Os seus acordos serán, en todo caso, recorribles perante os órganos disciplinarios da FGPeC.

3- Ó Comité Galego de Disciplina Deportiva, sobre as mesmas persoas e entidades que a FGPeC, sobre estes mesmos e os seus directivos.

4.- Tódolos titulares da potestade disciplinaria deportiva descritos, exércena de acordo coas súas propias normas estatutarias e co resto do ordenamento xurídico deportivo, instruindo e resolvendo expedientes disciplinarios deportivos de oficio, ou a solicitude do interesado.

5- En materia administrativo-deportiva correspóndelle á Administración deportiva autonómica, a través do Comité Galego de Xustiza Deportiva, sobre calquera persoa



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



física ou xurídica pola comisión das infraccións administrativas recollidas na Lei 3/2012, do 2 de abril, do deporte de Galicia .

6- No exercicio desta potestade son aplicables os principios xerais da potestade sancionadora establecidos na Lei 30/1992, do 26 de novembro, de réxime xurídico das administracións públicas e do procedemento administrativo común.

CAPITULO III CONFLICTOS DE COMPETENCIAS

Artigo 6.- Conflictos de competencias.

Os conflitos que sobre a tramitación ou resolución de asuntos, se susciten entre clubs, técnicos, xuíces, árbitros, ou deportistas afiliados á organización deportiva da FGPeC serán resoltos polo Comité de Disciplina Deportiva da mesma ou, de ser o caso, polo Comité Galego de Xusticia e Disciplina Deportiva.

CAPITULO IV PRINCIPIOS DISCIPLINARIOS

Artigo 7.- Condicións das disposicións disciplinarias.

1. As disposicións estatutarias ou regulamentarias que regulen a disciplina e xustiza deportiva no ámbito da FGPeC e os seus afiliados, terán inexcusamente coma alicerses os seguintes principios:

a) O establecemento dun sistema tipificado de infraccións baseado nas regras xenéricas ou específicas aplicables á correspondente modalidade deportiva, tanto na súa normativa xenérica coma na específica.

b) Os principios e criterios aplicables para a cualificación das infraccións e a gradación das sancións que aseguren coma mínimo os seguintes efectos:

- A diferenciación entre o carácter leve, grave e moi grave das infraccións.
- A proporcionalidade das sancións aplicables ás mesmas.
- A inexistencia de dobre sanción polos mesmos feitos. Non se considerará dobre sanción a imposición dunha sanción accesoria á principal.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328

 XUNTA
DE GALICIA

 DEPORTE
GALEGO

- A aplicación dos efectos retroactivos favorables, e a irretroactividade dos desfavorables.
- A prohibición de sancionar por infraccións non tipificadas con anterioridade ó momento da súa comisión.
- O sistema de sancións aplicables en función da cualificación das infraccións e as circunstancias atenuantes ou agravantes que se establezan.
- Procedemento sancionador aplicable e os recursos admisibles.

c) Tódalas entidades deportivas, agás as sociedades anónimas deportivas, deberán regular nas súas normas estatutarias ou regulamentarias os extremos sinalados no apartado precedente ou, no seu defecto, manifestar de forma expresa a aplicación supletoria do réxime disciplinario deportivo da FGPeC.

2.- En todo caso, é obrigatoria a aplicación da clasificación de infraccións e sancións contida na Lei 3/2012 do 2 de Abril do Deporte de Galicia e nas disposicións aplicables, de acordo coa gradación nela recollida.

Artigo 8.- Sobre as causas atenuantes, agravantes e de extinción das infraccións e sancións deportivas.

1.- Serán causas atenuantes da responsabilidade disciplinaria, o arrepentimento espontáneo.

2.- Que a infracción estea inmediatamente precedida por unha provocación suficiente.

3.- No ter sido sancionado nos cinco anos anteriores aos da data da comisión da infracción.

4.- Son causas agravantes da responsabilidade disciplinaria, ademais da reincidencia e a premeditación, as seguintes:

a) Entenderase producida a reincidencia cando a persoa, física ou xurídica, infractora cometa, no prazo de dous anos, máis dunha infracción da mesma natureza, e que así fose declarada por resolución firme.

b) A trascendencia social ou deportiva da infracción

c) O prexudicio económico causado.

d) A existencia de lucro ou beneficio en favor do infractor ou dun terceiro.

5.- Son causas de extinción da responsabilidade disciplinaria deportiva:



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



- a) O falecemento do inculpado .
- b) A disolución da Entidade Deportiva sancionada ou infractora.
- c) O cumprimento da sanción.
- d) A perda por parte do infractor ou sancionado, da condición de socio ou afiliado á entidade deportiva baixo a cal se iniciase o trámite ou expediente. O cambio de Club do infractor ou sancionado non impedirá a continuación da tramitación do expediente.
- e) A prescrición da infracción e sancións nos termos contidos no artigo 102 da Lei 3/2012, do 2 de abril, do Deporte de Galicia e neste Regulamento.

TITULO II

CAPITULO I DO PROCEDEMENTO DISCIPLINARIO

Artigo 9.- Será de aplicación ó procedemento aplicable na materia disciplinaria regulada neste Regulamento, nos Estatutos da FGPeC, o disposto na Lei 3/2012 do 2 de Abril do Deporte de Galicia, no Real Decreto 1591/92, e nas demais disposicións e Leis que na materia sexan aplicables.

Artigo 10.- Necesidade de expediente disciplinario.

Unicamente se poderán impor sancións disciplinarias, en virtude de expediente instruído ao efecto, de acordo cos procedementos regulados no presente Título.

Artigo 11.- Clases de Procedementos.

1. Os procedementos para a imposición de sancións serán o abreviado e o ordinario.
2. O procedemento abreviado é aplicable para a imposición das sancións por infracción das regras do xogo ou da competición.
3. O procedemento ordinario será aplicable para as sancións correspondentes ás infraccións das normas xerais de conduta deportiva.



Praza Agustín Díaz, 1 local 5
Complejo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



Artigo 12.- Regras comúns aos procedementos.

1. No non previsto neste Regulamento ou na Lei, 3/2012 do 2 de Abril do Deporte de Galicia, serán de aplicación supletoria as normas contidas na Lei 30/1992, do 26 de novembro, de réxime xurídico das administracións públicas e do procedemento administrativo común, e no Real decreto 1398/1993, do 4 agosto, polo que se aprobou o Regulamento do procedemento para o exercicio da potestade sancionadora.
2. Os procedementos sancionadores respectarán a presunción de inexistencia de responsabilidade administrativa mentres non se demostre o contrario.
3. As sancións impostas a través do correspondente procedemento disciplinario serán inmediatamente executivas, agás que o órgano encargado da resolución do recurso acorde a suspensión.
4. As actas subscribas polos xuíces ou árbitros do encontro, da proba ou da competición constituirán medio documental necesario en conxunto da proba das infraccións ás regras e normas deportivas. Igual natureza terán as ampliacións ou aclaracións a aquelas.
- 5.- As manifestacións do árbitro ou xuíz recollidas nas citadas actas presúmense certas, agás proba en contrario.

Artigo 13.- Procedemento abreviado.

As regras ás que se debe axustar o procedemento abreviado son as seguintes:

1. Iniciación:

- a) O procedemento abreviado iníciase coa notificación da acta da proba ou competición, que reflecta os feitos que poden dar lugar á sanción, subscriba polo xuíz ou árbitro, polos competidores ou polos delegados dos clubs.

No suposto de que os feitos susceptibles de ser sancionados non estean reflectidos na acta, senón mediante anexo, o procedemento iníciase no momento no que teña entrada na FGPeC o anexo da acta da proba, campionato ou competición ou do documento no que queden reflectidos os feitos obxecto de axuízamento. Nomearase un instructor ou instrutora que exercerá as funcións de impulso na ordenación do expediente, tamén un secretario ou secretaria, aos que lles serán aplicables as causas de abstención e recusación reguladas na Lei 30/1992, do 26 de novembro.

- b) Poderá iniciarse expediente por instancia da parte interesada, sempre que a denuncia se lle presente á FGPeC dentro do segundo día hábil seguinte ao día no que se desenvolvese a proba ou competición.

2. Tramitación e resolución:



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



a) No prazo de dous días, que se contarán dende a notificación ás persoas interesadas, poderán formular alegacións en relación cos feitos redactados na acta, no anexo ou na denuncia. Poderán propoñer ou achegar tamén, se é o caso, as probas pertinentes. A proba deberá practicarse no prazo máximo dos dous días hábiles seguintes ao da súa admisión.

b) O órgano instrutor trasladaralle, no prazo máximo de dous días, que se contarán a partir da presentación de alegacións, da práctica da proba ou da súa denegación, ao órgano competente para que emita a proposta de resolución, de xeito que, dentro do día seguinte se dite a resolución, na que se deberán expresar os feitos imputados, os preceptos infrinxidos e os que habilitan a sanción que se impoña. Así mesmo, de non telo feito con anterioridade, deben expresarse na mesma resolución os motivos de denegación das probas non admitidas. A resolución deberáselles notificar ás persoas interesadas, con expresión dos recursos que se poidan formular contra ela e do prazo para a súa interposición.

Artigo 14.- Procedemento ordinario.

As regras ás que debe someterse o procedemento ordinario son as seguintes:

1. Iniciación:

a) O procedemento iníciase por acordo do órgano competente, de oficio ou por instancia de persoa interesada.

b) O acordo que inicie o procedemento conterá a identidade do instrutor, se é o caso do secretario, da autoridade competente para impoñer a sanción e a norma que lle atribúa tal competencia, o prego de cargos que conterá a determinación dos feitos imputados, a identificación da persoa ou das persoas presuntamente responsables, así como as posibles sancións aplicables. Este acordo deberáselle notificar á persoa interesada.

Seránlles aplicables ao instrutor e ao secretario as causas de abstención, recusación e procedemento establecidas no capítulo III do título II, artigos 28 e 29, da Lei 30/1992, do 26 de novembro, de réxime xurídico das administracións públicas e do procedemento administrativo común.

2. Tramitación:

a) No tempo que dure a tramitación do procedemento, o órgano competente para incoalo, de oficio ou por instancia do instrutor, poderá acordar en resolución motivada as medidas que considere oportunas para asegurar a eficacia da resolución que poida recaer.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328

 XUNTA
DE GALICIA

 DEPORTE
GALEGO

b) O acordo de iniciación notificaráselles ás persoas interesadas e concederáselles un prazo de dez días para contestar os feitos e propoñer a práctica das probas que conveña á defensa dos seus dereitos e intereses.

c) Practicaranse de oficio ou admitiranse por proposta da persoa interesada cantas probas sexan axeitadas para a determinación dos feitos e das posibles responsabilidades. Só se poderán declarar improcedentes aquelas probas que pola súa relación cos feitos non poidan alterar a resolución final a favor do presunto responsable.

d) Respostado o prego de cargos ou transcorrido o prazo para facelo, ou concluída a fase probatoria, o instrutor redactará a proposta de resolución ben apreciando a existencia dalgunha infracción imputable e, neste caso, conterà necesariamente os feitos declarados probados, as infraccións que constitúan e as disposicións que as tipifiquen, as persoas que resulten presuntamente responsables e as sancións que procede impoñer ou ben propoñendo a declaración de inexistencia de infracción ou responsabilidade e o sobresemento con arquivo das actuacións.

A proposta de resolución notificaráselles ás persoas interesadas e concederáselles un prazo de dez días para formular alegacións e presentar os documentos que consideren pertinentes.

3. Resolución:

a) Recibidas polo instrutor as alegacións ou transcorrido o prazo de audiencia, remitiralle o expediente ao órgano competente para resolver.

b) A resolución do órgano competente pon fin ao procedemento común e dítarase no prazo máximo de dez días hábiles.

Artigo 15.- Condicións dos procedementos.

1.- Son condicións xerais e mínimas dos procedementos disciplinarios:

a) O Xuíz da proba exerce a potestade disciplinaria, no eido deportivo, ao longo do desenvolvemento dos campionatos ou probas, de maneira inmediata, o Xurado de Competición atenderá as reclamacións que se xerasen, facendo constar na acta as mesmas, remitíndoas ao Comité de Competición ou Xuiz Único antes das corenta e oito horas seguintes, incluíndo neste envío tódalas reclamacións feitas e os correspondentes anexos.

b) Nas probas ou competicións deportivas que pola súa natureza requiran a intervención inmediata dos órganos disciplinarios para garantir o normal desenvolvemento das mesmas, a súa instrución e resolución efectuarase polo correspondente Comité de Competición e Xurados da Proba, de acordo co sistema procedemental contido no Regulamento de Competicións da FGPeC, conxugando a actuación perentoria daqueles



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328

 XUNTA
DE GALICIA

 DEPORTE
GALEGO

órganos co trámite de audiencia e o dereito a reclamación dos interesados, circunscibíndose á aplicación das normas de competición e as contidas nas Bases específicas de cada competición. Darase traslado ao Comité de Disciplina ou Xuíz Único de Competición da FGPeC de calquera cuestión que se refira á aplicación de sancións por condutas contrarias á xustiza, disciplina e normas xerais deportivas contidas no resto de normas deste regulamento, nos Estatutos e no ordenamento xurídico.

2.- As actas suscritas polos xuíces ou árbitros ou polo Comité organizador da competición, constituirán medio documental necesario no conxunto da proba das infraccións ás regras e normas deportivas. Igual natureza terán as ampliacións ou aclaracións ás mesmas suscritas polos propios xuíces ou árbitros, ben de oficio, ben a solicitude dos órganos disciplinarios. Iso non obstante, os feitos relevantes para o procedemento e a súa resolución poderán acreditarse por calquera medio de proba, podendo os interesados propor que se practique calquera proba pertinente ou achegar directamente cantas sexan de interese para a correcta resolución do expediente.

3.- As declaracións do árbitro ou xuíz, ou Comité organizador, presúmense certas, agás erro material manifesto que poderá acreditarse por calquera medio admitido en Dereito.

4.- Calquera persoa, física ou xurídica, que nos seus dereitos ou intereses lexítimos poidan verse afectados pola substanciación dun procedemento disciplinario deportivo poderán presentarse en legal forma no mesmo, tendo, dende entón, a consideración de parte interesada.

5.- Cando existan dous ou máis órganos disciplinarios que poidan coñecer sucesivamente dun determinado asunto, unha mesma persoa non poderá pertencer a máis dun deses órganos.

Artigo 16.- Lexitimación para recorrer contra as sancións.

Están lexitimadas para interpoñer recurso en materia disciplinaria as persoas directamente afectadas pola sanción. Enténdese, en todo caso, por tales os deportistas, as súas entidades deportivas e as entidades deportivas participantes na competición na que tiveron lugar os feitos recollidos no expediente.

Artigo 17.- Publicidade das resolucións.

As resolucións dos Comités da FGPeC, tanto no ámbito da competición coma no disciplinario, poderán facerse públicas, respetando sempre o dereito á honra e á intimidade das persoas.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



Artigo 18.- Rexistro de sancións.

Na FGPeC deberá existir un Libro de Rexistro de sancións impostas, ou soporte informático correspondente aos efectos, entre outros, da posible apreciación de causas modificativas da responsabilidade e do cómputo dos prazos de prescrición de infraccións e sancións.

Artigo 19.- Concorrenza de responsabilidades deportivas e penais.

1.- Os órganos disciplinarios deportivos deberán comunicar ao Ministerio Fiscal aquelas infraccións que puidesen revestir carácter de delito ou falta penal.

2.- En tal caso os órganos disciplinarios deportivos acordarán a suspensión do procedemento, segundo as circunstancias concorrentes, ata que recaia a correspondente resolución xudicial.

3.- En cada suposto concreto os órganos disciplinarios valorarán as circunstancias que concorran no mesmo, a fin de acordar motivadamente a suspensión ou a continuación do expediente disciplinario deportivo ata a súa resolución e imposición de sancións, se procedese.

4.- No caso de que se acordase a suspensión do procedemento poderán adoptarse medidas cautelares mediante providencia notificada a tódalas partes interesadas.

CAPITULO II O PROCEDEMENTO ORDINARIO DE ÁRBITROS E XUÍCES NAS COMPETICIÓNS DA FGPeC.

Artigo 20.- O procedemento ordinario.

O procedemento ordinario aplicable para a imposición de sancións por infracción das regras do xogo ou da competición, desenvólvese mediante a aplicación inmediata das regras de competición por xuíces e árbitros, asegurando o normal desenvolvemento da competición, sen prexuízo da reclamación e trámite de audiencia dos interesados perante o Xurado ou Comité Organizador da mesma, segundo cada caso, que resolverá de forma definitiva.

As reclamacións e alegacións dos sancionados e partes afectadas pola decisión do árbitro ou xuíz faranse constar por escrito, sen prexuízo de que a súa argumentación fáctica e xurídica se efectúe verbal ou documentalmente.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



Os Xurados, Comités Organizadores ou de Competición, segundo cada caso, resolverán de forma inmediata unha vez oídas tódalas partes e ós propios árbitros ou xuíces que impuxeran a sanción, confirmando ou negando a mesma, reestruturando no seu caso a clasificación, permitindo un normal desenvolvemento da competición nos seus momentos seguintes.

Contra as resolucións relativas á aplicación das normas técnicas de competición emitidas polos Xurados, Comités Organizadores ou de Competición de cada competición caberá recurso perante o Xuíz Único de Competición ou Comité de Disciplina Deportiva da FGPeC, ao que igualmente se remitirá testemuño de calquera conduta antideportiva ou infractora deste Regulamento Disciplinario para a súa instrución e tramitación.

CAPITULO III O PROCEDIMENTO EXTRAORDINARIO DE DISCIPLINA DEPORTIVA NA FGPeC.

Artigo 21.- Principios informadores.

O procedemento extraordinario do Xuíz Único de Competición e de Disciplina Deportiva da FGPeC tramitarase para as sancións correspondentes ás infraccións ás normas deportivas xerais, axustarase aos principios e regras da lexislación e regulamentación aplicables, e ao contido neste Regulamento.

Artigo 22.- Iniciación do procedemento.

1.- O procedemento iniciarase por providencia de oficio, a solicitude do interesado ou a requirimento dos órganos de representación e directivos da FGPeC. A incoación de oficio poderase producir por iniciativa do propio órgano ou en virtude de denuncia motivada.

2.- A tal efecto, ao ter coñecemento dunha suposta ou posible infracción das normas deportivas, o Xuíz Único de Competición ou o Comité de Disciplina Deportiva poderán acordar a instrución dunha información reservada antes de ditar a providencia na que se decida a incoación do expediente ou, no seu caso, o arquivo das actuacións.

3.- A providencia de incoación haberá de inscribirse nos rexistros establecidos conforme ao previsto no presente Regulamento.

Artigo 23.- Nomeamento de instructor. Rexistro da providencia de incoación.

1.- A providencia que inicie o expediente disciplinario conterá o nomeamento de instructor, a cuxo cargo correrá a tramitación do mesmo.



Praza Agustín Díaz, 1 local 5
Complejo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



2.- A providencia de incoación inscribírase nun rexistro establecido aos efectos.

Artigo 24.- Abstención e recusación.

1.- Ao instructor e, no seu caso ao secretario, sonlles de aplicación as causas de abstención e recusación previstas na lexislación do Estado para o procedemento administrativo común.

2.- O dereito de recusación poderano exercer os interesados no prazo de tres días hábiles, contados dende o seguinte ao que teñan coñecemento da correspondente providencia de nomeamento, perante o Comité de Disciplina Deportiva, que deberá resolver no prazo de tres días.

Artigo 24.- Medidas provisionais.

1.- Iniciado o procedemento e, con suxección ao principio de proporcionalidade, o Xuíz Único de Competición ou o Comité de Disciplina Deportiva poderán adoptar as medidas provisionais que estimen oportunas para asegurar a eficacia da resolución que puidese recaer. A adopción de medidas provisionais poderá producirse en calquera momento do procedemento, de oficio ou a petición razoada do instructor. O acordo de adopción deberá ser debidamente motivado.

2.- Non se poderán ditar medidas provisionais que poidan causar prexuízos irreparables.

Artigo 25.- Impulso de oficio.

O Xuíz Único de Competición ou o Comité de Disciplina Deportiva poderán ordenar a práctica de cantas dilixencias sexan necesarias para a investigación e comprobación dos feitos, así como para fixar as infraccións susceptibles de sanción.

Artigo 26.- Proba.

1.- Os feitos relevantes para o procedemento poderán acreditarse por calquera medio de proba, unha vez que o instructor decida a apertura da fase probatoria, a cal terá unha duración non superior a quince días hábiles nin inferior a cinco, comunicando aos interesados con suficiente antelación o lugar e momento da práctica das probas.

2.- Os interesados poderán propor, en calquera momento anterior ao inicio da fase probatoria, a práctica de calquera proba ou aportar directamente as que resulten de interese para a adecuada e correcta resolución do expediente.

Contra a denegación expresa ou tácita da proba proposta polos interesados, estes poderán presentar reclamación, no prazo de tres días hábiles, perante o propio Xuíz



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



Único de Competición ou o Comité de Disciplina Deportiva, quen deberán pronunciarse no termo doutros tres días. En ningún caso, a interposición da reclamación paralizará a tramitación do expediente.

Artigo 27.- Acumulación de expedientes.

Poderá acordarse polo Xuíz Único de Competición ou o Comité de Disciplina Deportiva da FGPeC, de oficio ou a solicitude do interesado, a acumulación de expedientes cando se produzan as circunstancias de identidade ou analoxía razoable e suficiente, de carácter subxectivo ou obxectivo, que fixesen aconsellables a tramitación e resolución únicas.

A providencia de acumulación será comunicada aos interesados no procedemento.

Artigo 28.- Prego de cargos e proposta de resolución.

1.- Á vista das actuacións practicadas, e nun prazo non superior a un mes contado a partir da iniciación do procedemento, o instructor proporá o sobresemento ou formulará o correspondente prego de cargos comprendendo o mesmo os feitos imputados, as circunstancias concorrentes e as supostas infraccións, así como as sancións que puidesen ser de aplicación. O Instructor poderá, por causa xustificada, solicitar a ampliación do prazo referido ao órgano competente para resolver.

2.- No prego de cargos, o instructor presentará unha proposta de resolución, que será notificada aos interesados para que no prazo de dez días hábiles, manifesten cantas alegacións consideren convenientes en defensa dos seus dereitos ou intereses. Así mesmo, no prego de cargos, o Instructor deberá propor o mantemento ou liberación das medidas provisionais que, no seu caso, se adoptasen.

3.- Transcorrido o prazo sinalado no apartado anterior, o instructor, sen mais trámite, elevará o expediente ao Comité de Disciplina Deportiva da FGPeC para a súa discusión, votación e resolución, ao que se lle unirán, no seu caso, as alegacións presentadas.

Artigo 29.- Resolución.

1.- As resolucións do Xuíz Único de Competición ou do Comité de Disciplina Deportiva, que non esgotan a vía federativa, haberán de serlles notificadas aos interesados no prazo máximo de dez días hábiles, a contar dende o seguinte ao da súa emisión.

2.- Contra as resolucións ditadas polo Xuíz Único de Competición ou o Comité de Disciplina Deportiva cabe recurso perante o Comité de Apelación da FGPeC no prazo de 5 días hábiles dende a súa notificación.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



3.- Unha vez presentado o correspondente recurso perante o Comité de Apelación, este daralle traslado do mesmo aos interesados, que poderán facer alegacións no prazo de 2 días hábiles dende a súa notificación. Pasado este prazo o Comité de Apelación resolverá.

4.- De non ditarse resolución expresa nun prazo máximo de 30 días, o recurso deberá entenderse coma desestimado e caberá recurso perante o Comité Galego de Disciplina e Xustiza Deportiva.

5.- As resolucións do Comité de Apelación da FGPeC esgotan a vía federativa, non obstante, cabe interpor recurso perante o Comité Galego de Disciplina e Xusticia Deportiva no prazo de 15 días hábiles dende súa notificación

CAPITULO IV DISPOSICIÓN COMÚNS

Artigo 30.- Prazo, medio e lugar das notificacións.

1.- Toda providencia ou resolución que afecte aos interesados no procedemento de xustiza e disciplina deportiva regulado no presente Regulamento seralles notificado aos mesmos no prazo mais breve posible, co limite máximo de dez días hábiles.

2.- As notificacións faranse de acordo coas normas previstas na lexislación de procedemento administrativo común. Preferentemente utilizarase a notificación ou comunicación persoal cando fose posible, o correo con acuse de recibo ao domicilio facilitado polo infractor na alta de afiliación á FGPeC, mensaxeiro, correo electrónico con acuse de recibo, fax con comprobante de recepción e aceptación do interesado, ou por calquera medio que permita ter constancia da súa recepción polo interesado.

Artigo 31.- Comunicación pública e efectos das notificacións.

Con independencia da notificación persoal, poderá acordarse a comunicación pública das resolucións sancionadoras, respectando o dereito á honra e a intimidade das persoas conforme á legalidade vixente.

Non obstante, as providencias e resolucións non producirán efectos para os interesados ata a súa notificación persoal, agás nos supostos previstos no presente regulamento.

Artigo 32.- Eficacia da comunicación pública.

1.- No suposto de que unha determinada sanción, ou acumulación de sancións impostas durante o desenvolvemento dun encontro ou competición, conleve outra sanción



Praza Agustín Díaz, 1 local 5
Complejo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



accesoria ou complementaria, para que a sanción sexa executiva, a comunicación pública do árbitro, xuíz, ou Comité que a impuxo, debe ser complementada coa notificación persoal.

2.- Se, tentados polo menos dous dos medios de comunicación referidos no artigo 30.-2, fose imposible notificar ao interesado, poderá facerse comunicación mediante a exposición pública do documento a notificar nos tablóns de anuncios da sede da FGPeC ou da Sociedade ou Club onde teña radicada a súa morada ou licenza federativa o interesado. Trala exposición do documento durante 10 días, entenderase que foi notificado.

Artigo 33.- Contido das notificacións.

As notificacións deberán conter o texto íntegro da providencia ou resolución coa indicación de se é ou non definitiva, a expresión das reclamacións ou recursos que procedan, órgano perante o que presentalas e prazo para as interpor.

Artigo 34.- Motivación de providencias e resolucións.

As providencias e resolucións deberán ser motivadas, en todo caso.

Artigo 35.- Prazos dos recursos e órganos perante os que interpoñelos.

1.- As resolucións ditadas polo Xuíz Único de Competición ou o Comité de Disciplina Deportiva da FGPeC, poderán ser recorridas no prazo máximo de 5 días hábiles dende a súa notificación, perante o Comité de Apelación da FGPeC.

2.- Para interpor recurso perante o Comité de Apelación da FGPeC cómpre facer unha provisión de 50.- €, na conta da FGPeC. A provisión será restituída no caso de que o fallo sexa favorable ao recorrente.

Artigo 36.- Ampliación dos prazos na tramitación dos expedientes.

Se concorreran circunstancias excepcionais no curso da instrución dun expediente de xustiza e disciplina deportiva, os órganos competentes para resolver poderán acordar a ampliación dos prazos previstos a criterio do instrutor, e por un máximo dun mes en cada trámite.

Artigo 37.- Obriga de resolver.

Os recursos presentados contra as resolucións e providencias de trámite perante o Comité de Apelación da Federación Galega de Pesca deberán resolverse sempre. Non obstante, transcorridos 30 días dende a súa interposición, sen que recaese resolución expresa, entenderanse desestimados.



Praza Agustín Díaz, 1 local 5
Complejo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328

 XUNTA
DE GALICIA

 DEPORTE
GALEGO

Artigo 38.- Cómputo de prazos de recursos o reclamacións.

O prazo para formular recursos ou reclamacións contarase dende o seguinte día hábil ao da notificación da resolución ou providencia, se estas fosen expresas. Se non o fosen, o prazo será de quince días hábiles, a contar dende o seguinte ao que deban entenderse desestimadas esas peticións, reclamacións ou recursos.

Artigo 39.- Contido das resolucións que decidan sobre recursos.

- 1.- A resolución dun recurso confirmará, revogará ou modificará a decisión recorrida, non podendo, en caso de modificación, derivarse maior prexuízo para o interesado, cando este sexa o único recorrente.
- 2.- Se se estimase a existencia de vicio formal, poderá ordenarse a retroacción do procedemento ata o momento en que se produciu a irregularidade, con indicación expresa da fórmula para resolvela.

Artigo 40.- Desestimación presunta de recursos.

A resolución expresa dos recursos deberá producirse nun prazo non superior aos trinta días dende a interposición destes. En todo caso, transcorrido dito prazo sen que se dite e notifique a resolución do recurso interposto, poderase reclamar a correspondente certificación de actos presuntos, que deberá ser emitida no prazo de 20 días, o cal conlevará a imposibilidade de emitir resolución, quedando expedita a vía procedente.

Artigo 41.- Natureza e execución das resolucións.

- 1.- As resolucións do Comité de Apelación da FGPeC non esgotan a vía administrativa, e son recorribles perante o Comité Galego de Xustiza Deportiva, en caso de tratarse de sancións por falta grave ou moi grave.
- 2.- As Resolucións que non fosen recorridas en prazo serán firmes e executivas dende os órganos da FGPeP que correspondan, segundo a natureza da sanción, e serán responsables do seu estrito e efectivo cumprimento.

Artigo 42.- Publicidade das resolucións.

As resolucións dos Órganos de Disciplina Deportiva poderán facerse públicas, respectando o dereito á honra e á intimidade das persoas.



Praza Agustín Díaz, 1 local 5
Complejo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



TITULO III

DAS FALTAS Á DISCIPLINA DEPORTIVA DENTRO DA FEDERACIÓN GALEGA DE PESCA

CAPITULO I DAS INFRACCIÓNS

Artigo 43.- Cadro de infraccións.

1.-Son infraccións á xustiza e disciplina deportiva, así como ás regras de competición da FGPeC, as recollidas na Lei 3/2012, de 2 de abril, do Deporte de Galicia, as que figuran no Regulamento de Competicións da Federación Española de Pesca y Casting e as que se sinalan neste Regulamento e que pola súa natureza poden ser moi graves, graves e leves.

2.-Incomparecencias:

A incomparecencia ás probas da FGPeC unha vez inscrito deberá estar xustificada nos seguintes motivos e cos seguintes documentos:

- a) Falecemento ou enfermidade grave dun familiar en 1º ou 2º grao, con xustificante.
- b) Enfermidade grave do deportista, con informe médico.
- c) Lesión que non lle permita exercer a práctica competitiva da pesca, con informe médico.

1.- O deportista deberá achegar os correspondentes xustificantes. Estes haberán de estar no poder do Xurado de Competición da FGPeC, polo menos 10 días antes da data sinalada para as competicións nas que ía participar.

2.- Se o feito xustificable acontecese dentro dos 10 días anteriores á Competición, o deportista deberá de poñelo en coñecemento do Comité e xustificar o feito antes das 48 horas do comezo da Competición.

3.- Se o feito acontecese nas 48 horas anteriores á Competición, sen que mediase aviso, quedará a criterio do Xurado do Campionato e da FGPeC a valoración das causas e motivos. No caso de mediar aviso, serán tamén o Xurado do Campionato e a FGPeC os que valoren se os motivos son procedentes.



Praza Agustín Díaz, 1 local 5
Complejo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328

 XUNTA
DE GALICIA

 DEPORTE
GALEGO

4.- No caso de acontecer o feito a xustificar nas 24 horas previas á competición, o deportista terá que xustificar a súa baixa no prazo das 48 horas posteriores ao desenvolvemento da proba ou competición.

5.- Cando a ausencia fora motivada por razón profesionais, no caso de traballadores por conta allea ou funcionarios, esta xustificárase por medio de escrito asinado polo empregador, xefe, encargado, superior ou mando baixo as ordes ou a supervisión de quen o deportista desenvolva a súa actividade profesional. Paras os autónomos tan só se admite xustificación no contemplado no punto 1.-. Non caberá xustificación algunha no referente aos puntos 2.-, 3.- e 4.-.

6.- O non cumprimento do contemplado en calquera dos puntos 1, 2, 3 e 4 precedentes, fará que o deportista perda a categoría e a licenza federativa temporalmente.

7.- A resolución das incomparecencias será competencia do Comité de Disciplina da FGPeC, que actuará de oficio unha vez recibido e revisado o informe achegado polo Xurado de Competición.

8.- Para o resto de normas serán de aplicación as aprobadas no Regulamento de Competición da Federación Española de Pesca y Casting.

Artigo 44.- Infraccións comúns moi graves.

Consideraranse coma infraccións comúns moi graves á xustiza e disciplina deportiva:

a) Os quebrantamentos de sancións graves impostas. O quebrantamento apreciarase en tódolos supostos nos que as sancións resulten executivas. O mesmo réxime aplicarase cando se trate do quebrantamento de medidas cautelares.

b) As actuacións dirixidas a predeterminar, mediante prezo, intimidación ou simples acordos o resultado dunha proba ou competición.

c) As declaracións públicas de directivos, técnicos, árbitros e deportistas ou socios que inciten aos seus equipos, deportistas ou aos espectadores á violencia física ou de xénero, o enfrontamento e a descalificación persoal grave ou tenten contra a imaxe da FGPeC ou de algún dos membros do seu equipo directivo, técnico ou disciplinario.

d) A falta de asistencia non xustificada ás convocatorias das seleccións deportivas galegas. A estes efectos a convocatoria enténdese referida tanto aos adestramentos coma ao desenvolvemento efectivo da proba ou competición.

e) Os actos notorios e públicos que atenten á dignidade ou decoro deportivos, cando revistan unha especial gravidade. Así mesmo, considerarase falta moi grave a reincidencia en infraccións graves por feitos desta natureza.



Praza Agustín Díaz, 1 local 5
Complejo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



- f) A manipulación ou alteración, xa sexa persoalmente ou a través de persoa interposta do material ou equipamento deportivo en contra das regras técnicas do deporte ou cando poidan alterar a seguridade da proba ou competición ou poñan en perigo a integridade das persoas, así como a manipulación do resultado da proba ou competición, falseado polo deportista ou o seu control.
- g) A aliñación indebida, o non comparecer ou a retirada de deportistas, equipos, xuíces ou técnicos, de forma inxustificada das probas ou competicións nas que participen.
- h) O contravimento das resolucións do Comité Galego de Disciplina Deportiva.
- i) As agresións a Xuíces, Árbitros, Técnicos, Directivos e demais autoridades ou cargos da organización deportiva.
- j) As protestas, individuais, ou coaccións colectivas ou tumultuarias, que impidan a celebración dun encontro, proba, competición, ou acto federativo que teñan como obxecto ou consecuencia a súa suspensión.
- k) As protestas individuais, airadas e ostensibles, realizadas contra árbitros, xuíces, técnicos, directivos e demais autoridades deportivas con menosprezo da súa autoridade.
- l) A manifesta desobediencia das ordes e instrucións emanadas de xuíces, árbitros, técnicos, directivos e demais autoridades deportivas.
- m) A Organización de competicións, por persoas físicas ou xurídicas, con infracción das normas deste regulamento, ou sen contar coa autorización da FGPeC para o desenvolvemento das mesmas, sempre que o escenario destas sexa dentro do territorio da comunidade autónoma de Galicia.
- n) O uso indiscriminado e reiterado de bebidas alcohólicas de modo que poida resultar prexudicial para o individuo ou a colectividade, antes e durante as competicións ou actividades federativas
- ñ) O uso, ou incitación ao uso da dopaxe, ou substancias que a enmascaren, e a negativa a someterse a controis antidoping.
- o) O uso indebido de Autorizacións Especiais expedidas polo Organismo competente en materia de pesca, cando estas autorizacións fosen concedidas a solicitude da Federación
- p) O falseamento de actas de competición dos seus respectivos clubs, ou o desenvolvemento de competicións sen as preceptivas autorizacións das Institucións e Organismos competentes.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



q) A participación de clubs e deportistas federados en competicións non autorizadas pola FGPeC, cando estas se desenvolvan dentro do territorio da comunidade autónoma de Galicia.

r) Non presentarse a unha competición oficial para a que o deportista estivese previamente inscrito ou clasificado se, dentro das corenta e oito horas previas á data desa competición, ese mesmo deportista participou en algunha outra competición non oficial.

Artigo 45.- Outras infraccións moi graves dos directivos.

Ademais das accións comúns previstas anteriores, son infraccións específicas moi graves do Presidente e demais membros directivos da FGPeC e Entidades e Clubs da súa organización deportiva, as seguintes:

a) Os abusos de autoridade.

b) O contravimento dos acordos da Asemblea Xeral, así como dos regulamentos electorais e demais disposicións estatutarias ou regulamentarias.

c) A non convocatoria nos prazos ou condicións legais, de forma sistemática e reiterada dos órganos colexiados federativos.

d) A incorrecta utilización dos fondos privados ou das subvencións, créditos, avais e demais axudas das Administracións Autonómicas e Locais. A estes efectos, a apreciación da incorrecta utilización de fondos públicos rexeráse polos criterios que para o uso de axudas e subvencións públicas se conteñen na lexislación específica. Respecto aos fondos privados, estarase ao carácter negligente ou doloso das condutas, e á lexislación xeral.

e) O compromiso de gastos de carácter plurianual do orzamento da FGPeC, sen a regulamentaria autorización.

f) A negativa inxustificada a expedir a Licenza Federativa, ou expedición fraudulenta da mesma.

Artigo 46.- Infraccións graves.

Terán a consideración de infraccións graves:

a) O contravimento reiterado de ordes e instrucións emanadas dos órganos deportivos competentes. En tales órganos atópanse comprendidos os árbitros, xuíces, técnicos, directivos e demais autoridades deportivas.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



- b) Os actos e palabras notorios e públicos que atenten a integridade ou dignidade de persoas adscritas á organización deportiva, contra o público asistente, e en xeral contra o decoro deportivo.
- c) A non convocatoria, nos prazos ou condicións legais, dos órganos colexiados federativos.
- d) O contravimento das regras de administración e xestión do orzamento e patrimonio previstas nos Estatutos e o ordenamento xurídico aplicable.
- e) A manipulación ou alteración, xa sexa persoalmente ou a través de persoa interposta, do material ou equipamento deportivo en contra das regras técnicas do deporte.
- f) O quebrantamento de sancións leves.
- g) A reincidencia na comisión de infraccións leves. Entenderase que hai reiteración cando se sexa sancionado mediante resolución firme pola comisión de máis dunha infracción leve no período dun ano.
- h) Introducirse na auga nas competicións que tivesen establecida a súa prohibición, ou comezar a proba antes da hora sinalada.
- i) Vadear ou mudar de marxe utilizando para iso, sen o correspondente permiso, o espazo adxudicado a outro deportista participante ou entorpecer reiteradamente a liberdade doutros deportistas, non respectando as distancias legais ou as que a consideración deportiva ou semellantes deben ditar ao deportista.
- j) A captura e presentación á pesaxe de pezas de especie e tamaños válidos, acadados coa utilización de iscas, artes ou procedementos ilegais ou non autorizados.
- k) A presentación á pesaxe de pezas non capturadas polo deportista participante, xa sexan cedidas por outros deportistas ou adquiridas por procedementos antideportivos.
- l) A cesión de pezas propias a outro deportista.
- m) A aceptación de pezas capturadas por outro deportista.
- n) A presentación de pezas, capturadas polo deportista en momento ou lugar distinto ao sinalado para a proba.
- ñ) Cebar os postos de pesca, medir, ou sondar o escenario antes da hora autorizada, a invasión da zona de pesca doutro deportista de forma reiterada.
- o) A presentación á pesaxe de pezas que estiveran mortas antes da súa captura.



Praza Agustín Díaz, 1 local 5
Complejo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328

 XUNTA
DE GALICIA

 DEPORTE
GALEGO

p) A presentación á pesaxe dunha ou máis pezas dun tamaño inferior a 1 cm do establecido para esa competición.

p.p) A presentación á pesaxe dunha ou máis pezas dun tamaño manifestamente inferior á metade do válido para esa competición.

q) Cortar un aparello de cana allea, sen permiso do propietario ou do control da manga.

r) Os insultos e ofensas a xuíces, árbitros, técnicos, dirixentes e demais autoridades deportivas.

s) As protestas, intimidacións ou coaccións colectivas ou tumultuarias, que alteren o normal desenvolvemento do xogo, proba, competición ou acto federativo.

t) A non comparecencia a competicións ou adestramentos, estando inscrito ou citado, sen causa xustificada.

u) A organización ou participación en probas organizadas por clubs, asociacións ou entidades xurídicas afiliadas á FGPeC sen a debida autorización administrativa ou federativa.

v) Deixar restos do material utilizado ou calquera tipo de lixo na zona de pesca, despois de finalizada a competición, e a negativa a recollelo se fose advertido para iso. Non advertir á organización da existencia dos que houberse ao entrar no posto de pesca que lle correspondera.

x) O recibir axudas non permitidas, despois de ter sido advertido polos xuíces ou pola organización.

z) O uso de teléfonos móbiles ou outros medios de comunicación por parte dos participantes ao longo da Competición sen autorización do Xuíz ou Control, no caso de contemplarse esa circunstancia nesa especialidade concreta.

a.a) Pescar con anzois con morte ou arponciño cando estea prohibido nesa proba

b.b) Non presentar a plica do pescador ao que se controlou no tempo e formas establecidos, ou coma máximo media hora despois de rematada a manga.

c.c) Recibir axuda dun terceiro para o cobro dunha captura. Se a axuda ven dada dun control será tamén penalizado.

d.d) Infrinxir as normas relativas e específicas de cada modalidade deportiva referidas a equipos e cebos.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



e.e) A inscrición ou participación de deportistas ou clubs federados en competicións con outra comunidade, sen a debida autorización da FGPeC.

f.f) O quebrantamento das normas xenéricas o específicas, deportivas, establecidas para cada modalidade de pesca recollidas no Regulamento de Competicións da FGPeC.

g.g) Entrar no posto dun deportista unha vez iniciada a proba sen autorización do deportista, do control ou do xuíz da competición, segundo o que corresponda en cada modalidade específica.

h.h) Recibir axuda dun terceiro para a montaxe do posto de pesca.

Artigo 47.- Infraccións leves.

1.- Consideraranse infraccións de carácter leve as condutas contrarias ás normas deportivas que non estean incursas na cualificación de moi graves ou graves no presente Regulamento e que estean tipificadas nos Estatutos, ou no Regulamento de Competicións da Federación Española de Pesca y Casting.

2.- En todo caso consideraranse faltas leves:

a) A incorrección nas observacións formuladas aos xuíces, árbitros, técnicos, directivos e demais autoridades deportivas.

b) A adopción dunha actitude pasiva no cumprimento das ordes e instrucións recibidas de xuíces, árbitros e autoridades deportivas no exercicio das súas funcións.

c) A presentación á pesaxe de pezas non pertencentes á especie que sexa obxecto da competición, ou de tamaño manifestamente inferior ao permitido na mesma, ou dun número de pezas superior ao máximo establecido.

d) A presentación á pesaxe de pezas válidas capturadas fóra do tempo regulamentario.

e) A reclamación infundada, feita de forma consciente e temeraria, nunha competición.

f) A reclamación xustificada, pero non presentada de forma regulamentaria.

g) Invadir a zona de pesca doutro competidor. De haber reincidencia despois de ser avisado, contarase coma falta grave.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



CAPITULO II DAS SANCIONES

Artigo 48.- Sancións por infraccións comúns moi graves.

Á comisión das infraccións moi graves tipificadas nos apartados do artigo 44, citados a continuación, corresponderanlles as seguintes sancións:

- 1.- Ás comprendidas nas letras d), f), i), j), o), p) e q): Perda ou descenso de tódalas categorías.
- 2.- Ás enumeradas nas letras a), b), c), e), f), g), h), i), j), k), l), n), ñ), o), e r): Perda de licenza federativa ou da condición de asociado de forma definitiva ou temporalmente de un a catro anos.
- 3.- Ás comprendidas nas letras i), e j): Inhabilitación a perpetuidade.
- 4.- Ás comprendidas nas letras b), c), e), f), h), k), l), m), n), e p) : Inhabilitación para ocupar cargos na organización deportiva por un prazo de un a catro anos, en adecuada proporción á infracción cometida.
- 5.- Ás sinaladas nas letras b), f), i), n) e ñ): Descalificación da proba.
- 6.- Retirada da axuda económica concedida pola FGPeC aos efectos de participación en competicións oficiais, nacionais ou autonómicas.
- 7.- Multa en contía non superior a 60.000,- euros

Artigo 49.- Sancións por infraccións moi graves dos directivos.

Pola comisión das infraccións enumeradas no artigo 45 deste Regulamento poderán imporse as seguintes sancións:

- 1.- Amoestación pública, polas infraccións contidas nos apartados a), b), e) e d), cando se cometa a falta por descoñecemento ou negligencia.
- 2.- Inhabilitación temporal de dous meses a un ano, polas infraccións contidas nas letras a), b), c), e d), cando se efectuasen de forma intencionada, e e) cando se cometan por descoñecemento ou negligencia
- 3.- Destitución do cargo, pola contida no apartado f), cando se faga de forma intencionada, ou pola reiterada comisión intencionada das infraccións contidas nos outros apartados.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



Artigo 50.- Sancións por infraccións graves.

Pola comisión das infraccións graves tipificadas nos apartados do artigo 46 que respectivamente se citan a continuación poderán imporse as seguintes sancións:

- 1.- Ás faltas contidas nas letras a), b), f), g), t), u) e g.g): Amoestación pública.
- 2.- Á falta contida na letra u, sexa por primeira vez ou reincidinte: Clausura do espazo, couto ou recinto deportivo, de ata tres competicións ou actividades, ou de dous meses. Inhabilitación de seis meses para competir.
- 3.- Ás faltas cometidas nas letras f), g), e.e) e v): Privación dos dereitos de asociado, de un mes a un ano.
- 4.- Ás faltas cometidas nas letras b), c), d), e), r), s), t), f.f) e á primeira reincidencia nas letras f), g) e g.g): Inhabilitación para ocupar cargos, suspensión ou privación de licenza federativa de un mes a un ano ou de catro ou máis competicións nunha mesma temporada.
- 5.- Á falta cometida na letra p): Perda do 100% dos puntos obtidos, en función do tamaño da peza ou pezas (1 punto por gramo).
- 6.- Ás faltas cometidas nas letras h), i), j), k), l), m), n), ñ), o), p.p), q), r), s), v), x), c.c) e h.h): Descualificación da fase da proba na que se cometeu a infracción.
- 7.- Ás faltas cometidas nas letra z), a.a), b.b) e d.d): Descualificación total da proba.
- 8.- Retirada da axuda económica concedida pola FGPeC aos efectos de participación en competicións oficiais, nacionais ou autonómicas.
- 9.- Multa en contía non superior a 30.000,- euros

Artigo 51.- Sancións por infraccións leves.

Pola comisión das infraccións leves tipificadas nos respectivos apartados do artigo 47 que se citan a continuación, poderán acordarse a imposición das seguintes sancións:

- 1.- Ás faltas cometidas nas letras a), b), c) e g): Apercibimentos.
- 2.- Á primeira e segunda reincidencia nas faltas contidas nas letras a), b), c), e d): Inhabilitación para ocupar cargos ou suspensión de ata un mes, ou de unha a tres probas.
- 3.- Pola falta cometida na letra d): descontaranse os mesmos puntos que correspondesen ó participante se a pesaxe das pezas incorrectas fora permitida.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328

 XUNTA
DE GALICIA

 DEPORTE
GALEGO

4.- Polas faltas contidas nas letras e) e f): descontaranse os mesmos puntos que sexan reclamados de forma incorrecta.

5.- Multa en contía non superior a 1.000,- euros

Artigo 52.- Gradación, proporcionalidade e aplicación das sancións.

Na determinación da sanción que se vaia impór, o órgano competente debe procurar a debida adecuación entre a gravidade do feito constitutivo da infracción e a sanción aplicada, para esta gradación deben terse en conta os seguintes criterios:

- a) A existencia de intencionalidade.
- b) A reincidencia pola comisión, no prazo dun ano, de máis dunha infracción da mesma natureza e que así fose declarada por resolución firme. Nos casos de reincidencias en faltas cuxo castigo non estea descrito nas sancións da mesma gradación da falta na que se reincida, o Comité de Disciplina Deportiva aplicará a de superior clase que se adapte a súa natureza. Se non fose posible imporase a sanción no grao máximo adxudicable á que se reincide.
- c) A natureza dos prexuízos causados e, de ser o caso, dos riscos aos que foran expostos terceiros.
- d) O prezo e os danos morais.
- e) Que houbera advertencias previas da Administración.
- f) O beneficio ilícito obtido.
- g) A emenda, ao longo da tramitación do expediente, das anomalías que orixinaron a incoación do procedemento.
- h) En todo caso, o órgano sancionador, nos casos nos que aprecie circunstancias relativas á escasa importancia do dano ou prexuízo causado, falta de intencionalidade ou de antecedentes negativos de condutas sancionadoras, poderá rebaixar, se o estima razoable e conveniente, a sanción mínima prevista ata a contía do grao medio da sanción inferior; e no caso das leves, formular apercibimento.
- i) No establecemento de sancións pecuniarias deberase prever que a comisión das infraccións tipificadas non resulte máis beneficiosa para o infractor cao cumprimento das normas infrinxidas.
- j) As sancións persoais de multa, no caso de deportistas, só se poderán impoñer cando estes obteñan ingresos que estean asociados á actividade deportiva desenvolta.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



k) As entidades deportivas, deportistas profesionais ou técnicos profesionais que teñan pendente o pagamento de multas non serán inscritas en competición algunha, nin de categoría autonómica nin nacional.

l) Non poderán competir, ningún dos membros das entidades morosas á FGPeC, en competición algunha, Autonómica ou Nacional, en tanto a débeda non sexa pagada.

CAPITULO III DA PRESCRICIÓN E DA SUSPENSIÓN

Artigo 53.- Prescrición. Prazos e cómputo.

1.- As infraccións e sancións tipificadas e establecidas neste Regulamento prescriben nos seguintes prazos:

a) As moi graves, aos dous anos.

b) As graves, ao ano.

b) As leves, aos seis meses.

2.- O prazo de prescrición das infraccións empeza a contar dende o mesmo día no que se cometesen; e o das sancións, ó día seguinte a aquel no que a resolución mediante a que se impón a sanción adquise firmeza.

3.- A prescrición interrómpese polo inicio, co coñecemento da persoa interesada, do procedemento sancionador, no caso das infraccións, e do procedemento de execución, no caso das sancións. O prazo de prescrición que quede por vencer restablécese se os devanditos procedementos permanecen paralizados durante máis de dous meses por causa non imputable á persoa infractora ou presuntamente infractora.

4.- Nas infraccións derivadas dunha actividade continua, a data inicial do cómputo é a de finalización da actividade ou a do último acto mediante o que a infracción se consumase.

5.- Non prescriben as infraccións nas que a conduta tipificada supoña unha obriga de carácter permanente para o infractor.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



Artigo 54.- Réxime de suspensión das sancións.

1.- A petición formal e expresa do interesado, os órganos disciplinarios deportivos poderán suspender a execución das sancións impostas mediante o procedemento ordinario, sen que paralicen ou suspendan a competición.

2.- Para as sancións impostas mediante o procedemento extraordinario, a suspensión non será automática pola mera interposición do correspondente recurso.

Artículo 55. Suspensión da execución.

1.- A interposición de recurso, agás nos casos nos que unha disposición dite o contrario, non suspenderá a execución do acto impugnado.

2.- Non obstante, malia o disposto no apartado anterior, o órgano a quen competa resolver o recurso, previa ponderación, suficientemente razoada, entre o prexuízo que causaría ao interese público, ou a terceiros, a suspensión e o prexuízo que se causa ao recorrente, coma consecuencia da eficacia inmediata do acto recorrido, poderá suspender, de oficio ou a solicitude do recorrente, a execución do acto impugnado cuando concorran, xuntas ou por separado, algunhas das seguintes circunstancias:

- a) Que a execución puidese causar prexudicios de imposible o difícil reparación.
- b) Que a impugnación se fundamente en algunha causa de nulidade de pleno dereito.

3.- A execución do acto impugnado entenderase suspendida se despois de trinta días, dende a data na que a solicitude de suspensión tivese entrada no rexistro do órgano competente para decidir sobre a mesma, este non ditase resolución expresa ao respecto.

4.- Ao ditar o acordo de suspensión poderanse adoptar as medidas cautelares que se entendan necesarias para asegurar a protección do interese público ou de terceiros e a eficacia da resolución ou do acto impugnado. Cando da suspensión poidan provir prexudicios de calquera natureza, só producirá efectos previo depósito de aval ou garantía suficiente para responder deles.

A suspensión poderá prorrogarse despois de esgotada a vía administrativa cando exista medida cautelar que se extenda á vía contencioso-administrativa. Se o interesado interpusera recurso contencioso-administrativo, solicitando a suspensión do acto obxecto do proceso, manterase a suspensión ata que se produza o correspondente pronunciamento xudicial sobre esa solicitude.

Artigo 56.- Réxime de recursos.

1-As decisións que adopte o Comité de Disciplina Deportiva da FGPeC poderán ser recurridas perante o Comité de Apelación no prazo de cinco días hábiles, esgotando neste caso a vía federativa.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



2-As decisións que adopte o Comité Galego de Xustiza Deportiva en aplicación da potestade sancionadora esgotan a vía administrativa e contra destas só se poderá interpor recurso contencioso-administrativo.

Artigo 57.- Da prevención e loita contra a dopaxe no deporte.

1.-Será de aplicación todo o contido nos Títulos VIII e IX, nas disposicións xerais da Lei 3/2012, de 2 de abril, do Deporte de Galicia, en concreto o contemplado dende os artigos 131 ao 149, ambos inclusive, para a prevención e loita contra a dopaxe no deporte Galego e a prevención e represión da violencia nas condutas contrarias a boa orde deportiva.

OUTRAS DISPOSICIÓNS

Autorización.

Facúltase ao Presidente da FGPeC para incorporar ao presente Regulamento de Disciplina as indicacións e modificacións que introduza a Secretaría Xeral para o Deporte.

Disposición aclaratoria.

No non previsto neste Regulamento, aplicarase o establecido na Lei 3/2012, de 2 de Abril, do Deporte de Galicia.

DISPOSICIÓN DERROGATORIA.

Disposición final primeira. Facultade de desenvolvemento.

Facúltase aos Comités de Competición e Disciplina da FGPeC a ditar cantas normas fosen necesarias para o desenvolvemento e aplicación deste Regulamento.

Disposición final segunda.

Quedan derrogados tódolos acordos que, en materia de disciplina deportiva, fosen adoptados pola FGPeC con anterioridade a este Regulamento.



Praza Agustín Díaz, 1 local 5
Complexo Deportivo Elviña
15008 A Coruña
tfns.: **607881916** /
677535526 / 677535699
<http://www.fgpesca.org>
federacion@fgpesca.org
V15141328



Disposición Final. Entrada en vigor.

O presente Regulamento entrará en vigor o día da súa publicación na páxina Web da FGPeC, unha vez aprobado pola Secretaría Xeral para o Deporte da Xunta de Galicia.



Praza Agustín Díaz, 1 local 5
Complejo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



ANEXO II

NORMATIVA ELECTORAL

O Presidente das Sociedades e Clubs de Pesca Federados, **elixirase en Asemblea Xeral Extraordinaria mediante sufraxio libre, igual, directo e segredo dos socios de número con dereito a voto.** O Presidente nomeará á Xunta Directiva da que formarán parte, ademais dun Secretario e un Tesoureiro, polo menos un Vocal por cada unha das seccións deportivas. A Xunta Directiva haberá de estar composta por un número de membros non inferior a cinco nin superior a quince.

1. Supostos no que tera lugar a convocatoria de eleccións.

As Sociedades e Clubs de Pesca federados procederán á convocatoria de eleccións a Presidente cando se produza algunha das seguintes causas:

- a) Por expiración do prazo de mandato.
- b) Cando por dimisións, renuncias, morte ou incapacidade física, quedase a Xunta Directiva reducida ou modificada, de forma que non poida exercer debidamente as súas funcións.
- c) Por dimisión, renuncia ou incapacidade do Presidente.
- d) Por voto de censura ao Presidente ou á Xunta Directiva, aprobado en Asemblea Xeral Extraordinaria por maioría de dous terzos dos socios con dereito a voto. A Asemblea será convocada ao efecto e a petición de, polo menos, o vinte e cinco por cento dos seus compoñentes con dereito a voto.

2. Convocatoria.

A convocatoria de eleccións a Presidente acordarase en Asemblea Xeral de Socios, reunida con carácter extraordinario, notificando o acordo de convocatoria de eleccións á Federación Galega de Pesca e Casting, co obxecto de que poida supervisar e resolver como órgano superior calquera incidencia relativa ao proceso electoral.

A estes efectos a Xunta Directiva mediante comunicación a tódolos integrantes da Asemblea Xeral, efectuada do xeito que se acade a necesaria difusión e coñecemento,



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328

 XUNTA
DE GALICIA

 DEPORTE
GALEGO

convocará a devandita Asemblea, detallando na convocatoria como puntos da orde do día os seguintes:

2.1.- Acordo de convocatoria de eleccións a Presidente.

2.2.- Calendario electoral, no que deberán de figurar as datas e prazos seguintes:

- a) Exposición do Censo Electoral.
- b) Reclamacións ao Censo Electoral.
- c) Prazo de presentación de candidaturas.
- d) Prazo de estudio e aceptación das candidaturas.
- e) Prazo de divulgación de Candidaturas.
- f) Prazo de presentación de impugnacións contra as Candidaturas.
- g) Prazo para resolución de impugnacións contra as candidaturas.
- h) Data da votación (Asemblea Xeral Extraordinaria) con expresión do lugar de celebración e hora do seu comezo e remate; período durante o cal se pode exercer o voto.
- i) Prazo de presentación de impugnacións contra as votacións e escrutinio.
- j) Prazo de resolución de impugnacións e proclamación da candidatura gañadora.

2.3.- Elección dos membros da Xunta Electoral Social.

Sen prexuízo da existencia na Federación Galega de Pesca e Casting dunha Xunta Electoral de Arbitraje, a Asemblea Xeral Extraordinaria da Sociedade ou Club de Pesca ao acordar o proceso de eleccións escollerá entre os asembleístas que non se presenten como candidatos, a seis socios que integrarán a Xunta Electoral Social, dos cales tres terán o carácter de titulares da devandita Xunta e os outros tres o de suplentes dos anteriores. Se algún deles, despois do seu nomeamento como membro da Xunta Electoral Social, e antes do prazo de presentación de candidaturas, decidira presentar candidatura, cesará automaticamente na súa condición de membro da devandita Xunta, sendo substituído polo primeiro dos substitutos elixidos.

A Xunta Electoral será a encargada de velar polo cumprimento do calendario e normativa electoral, e decidir sobre calquera cuestión que afecte directamente ao desenvolvemento das eleccións e resultados das mesmas, admitindo e proclamando as



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



candidaturas, e resolvendo no seu caso tódalas reclamacións e impugnacións que se presenten contra o censo, prazos, candidaturas, candidatos, así como as que se orixinen no decorrer das votacións.

A Xunta Electoral Social deberá dar conta por escrito de tódolos seus acordos á Federación Galega de Pesca e Casting.

2.4.- Elección e nomeamento dos compoñentes da Mesa Electoral.

Unha hora antes da prevista para o comezo da Asemblea Xeral Extraordinaria, na que terá lugar a votación para elixir presidente, constituirase a Mesa Electoral, previamente escollida na Asemblea anterior na que se convocaron as eleccións.

1. Composición da Mesa Electoral.

Na Asemblea na que se acorde a convocatoria de eleccións elixiranse 3 persoas para integrar a Mesa Electoral: un Presidente (o de maior idade), un Secretario (o de menor idade) e un Vocal.

Poderán estar presentes, co obxecto de supervisar o desenvolvemento das eleccións, un Representante por cada unha das candidaturas que se presenten á elección. A devandita representación estará debidamente acreditada polo candidato representado.

2. Funcións da Mesa Electoral.

- a) Comprobar a identidade dos votantes.
- b) Recoller as papeletas de voto e depositalas na furna preparada ao efecto, que deberá de estar debidamente pechada e precintada.
- c) Redactar, por medio do seu Secretario, a Acta correspondente, na que deberá de constar o número de electores, votos válidos emitidos, votos nulos, o resultado da votación e as incidencias ou reclamacións que se produzan.
- d) Remitir copia da acta, dentro das 24 horas seguintes á Xunta Electoral Social.

2.5.- Transformación da Xunta Directiva en Xunta Xestora.

Os membros da Xunta Directiva converteranse en Xunta Xestora na Asemblea Xeral Extraordinaria na que se convoquen as eleccións



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



3. Candidatos.

Os asembleístas que desexen presentar a súa candidatura a Presidente da Sociedade ou Club de Pesca, deberán de reunir os seguintes requisitos á data de finalización do prazo de presentación das candidaturas.

1. Ser español.
2. Maior de idade.
3. Atoparse en pleno uso dos dereitos civís e non estar suxeito a sanción disciplinaria deportiva que o inhabilite.
4. Ser socio da Sociedade cunha antigüidade mínima ininterrompida dun ano.
5. Ter en vigor a licenza federativa da Federación Galega de Pesca e Casting, que deberá manter durante todo o mandato.
6. Presentar a candidatura por escrito.

As candidaturas presentaranse, dentro do prazo establecido no Calendario Electoral, perante a Xunta Electoral Social.

4. Electores.

Nas eleccións a Presidente das Sociedades ou Clubs de Pesca Federados teñen dereito a voto os socios de número, maiores de 18 anos que estean ao corrente das súas obrigacións sociais e teñan en vigor, a Licenza Federativa da Federación Galega de Pesca e Casting, no momento do desenvolvemento das votacións.

5. Votacións.

- a) No caso de existir unha soa candidatura que reúna todos e cadaún dos requisitos establecidos, non procederá a constitución da Asemblea e o candidato será proclamado pola Xunta Electoral Social coma Presidente..
- b) Se foran máis dunha ás candidaturas válidas, faranse as eleccións na forma prevista.
- c) As votacións efectuaranse mediante sufraxio persoal, directo e segredo dos socios con dereito a voto.
- d) As votacións realizaranse en papeletas de tamaño único facilitadas pola Xunta Electoral Social.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



e) Os electores deberán de elixir calquera das candidaturas declaradas válidas, anulándose os votos que non se axusten a esta determinación.

f) O voto é persoal e intransferible, non permitíndose o voto por correo.

g) Os integrantes da Xunta Electoral Social e da Mesa Electoral, exercerán o seu dereito a voto, si o tiveran, en último lugar.

h) Rematada a votación, a Mesa procederá ao recuento de votos en presenza dos representantes de cada unha das candidaturas que fixeron uso deste dereito.

O Presidente da Mesa dará lectura ao resultado da votación, resultando elixido o candidato que acade maior número de votos, procedéndose pola Xunta Electoral á proclamación do elixido. En caso de empate na votación, a Xunta Electoral Social convocará unha nova votación sinalando lugar, día e hora, entre as candidaturas que produciron o empate.

i) Do desenvolvemento da Asemblea levantarase Acta polo Secretario da Mesa Electoral, na que se recollerán as incidencias que se produzan e o resultado da mesma, con expresión de tódolos votos emitidos (válidos, nulos e en branco).

A Acta asinarana tódolos compoñentes da Mesa Electoral e os representantes dos candidatos que interviran no escrutinio. Enviarase á Federación Galega de Pesca e Casting copia desa acta.

6. Proclamación.

Rematadas as votacións e, no seu caso, os prazos de impugnacións e resolución das mesmas anteditos, expoñerase na sede da Sociedade (de ter sede) a proclamación do candidato que resultase gañador.

A elección do novo Presidente e a composición da nova Xunta Directiva, deberán ser notificadas ao Rexistro de Entidades Deportivas e á Federación Galega de Pesca e Casting.

A Federación Galega de Pesca e Casting, á vista de toda a documentación recibida da Xunta Electoral Social, procederá a expedir a oportuna credencial ao novo Presidente da Sociedade.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



7. Duración e exercicio do mandato.

A duración do mandato do Presidente electo será de catro anos dende a súa proclamación, de non producirse ningún dos supostos previstos no punto 1 da presente Normativa Electoral, podendo presentarse á súa reelección cantas veces o considere oportuno.

O mandato da Xunta Directiva rematará ao mesmo tempo co do Presidente, ben sexa por expiración do prazo para o que foi elixido, por renuncia, voto de censura ou dimisión.

Durante o mandato o Presidente, en caso de vacantes por dimisións de membros da Xunta Directiva e, sempre que non entren en contradición co punto 1.B anterior, poderá nomear substitutos que deberán de ser notificados á Asemblea Xeral, ao Rexistro de Entidades Deportivas e á Federación Galega de Pesca. O presidente poderá, ao longo do seu mandato, ampliar ou diminuír o número dos membros da Xunta Directiva, que en ningún momento poderá estar composta por un número inferior a cinco nin superior a quince.

DISPOSICIÓN FINAL

En todo o non previsto na presente Normativa, estarase ó disposto na Lei 3/2012, do Deporte de Galicia, Normas de Desenvolvemento, e Normativa da Federación Galega de Pesca e Casting.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



REGULAMENTO DE RÉXIMEN DOS COMITÉS DE DISCIPLINA DEPORTIVA E DE APELACIÓN DA FEDERACIÓN GALEGA DE PESCA E CASTING.

TITULO I DOS COMITÉS DE DISCIPLINA DEPORTIVA E DE APELACIÓN DA FEDERACION GALEGA DE PESCA E CASTING

Artigo 1.- Da súa natureza.

Os Comités de Disciplina Deportiva e de Apelación da Federación Galega de Pesca e Casting, de aquí en diante FGPeC, son os órganos que, adscritos orgánicamente á propia FGPeC e, actuando con independencia desta, deciden sobre as medidas de Disciplina Deportiva conforme ao establecido no Regulamento de Disciplina Deportiva da FGPeC.

Artigo 2.- Da súa competencia e procedementos.

1- Os Comités de Disciplina Deportiva e de Apelación da FGPeC, extenderán as súas competencias e xurisdicións ás infraccións de Disciplina Deportiva aplicables segundo a lexislación e reglamentación da Comunidade Autónoma, Estatutos e Regulamentos da FGPeC, a tódalas persoas físicas e xurídicas integradas na FGPeC, exercendo sobre elas a potestade disciplinaria consonte á distribución de competencias establecida nos Regulamentos da propia FGPeC e na Lei 3/2012, do Deporte de Galicia.

2- Os Comités de Disciplina Deportiva e de Apelación da FGPeC son competentes para instruír e resolver actos relativos a:

a) Os de carácter organizativo-competicional que poidan xurdir en relación coa organización das competicións

b) Os recursos que se interpoñan contra os acordos adoptados polos Xurados e Comités de Competición ou Organización das correspondentes competicións e dos Comités Disciplinarios Deportivos dos clubs e asociacións afiliadas á FGPeC, sempre que a Resolución recorrida non sexa regulamentariamente definitiva, calquera que sexa o grao da infracción da que se derive.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



c) Os expedientes que en primeira instancia se instrúan por vulneración da normativa sobre disciplina deportiva, descrita no Regulamento e Ordenamento Xurídico aplicable e, en especial, aqueles comportamentos constitutivos de infraccións que supoñan condutas antideportivas, antisociais, ou que vulneren as normas e éticas deportivas.

3- O desenvolvemento regulamentario do citado procedemento conterà, en todo caso, os seguintes aspectos:

- a) Notificación da admisión a trámite ás persoas interesadas e petición de remisión do expediente tramitado.
- b) Prazo para propoñer e practicar proba.
- c) Audiencia ás persoas interesadas ao remate do procedemento, coa posibilidade de alegación por parte destas.
- d) Notificación ás persoas interesadas da resolución ditada.
- e) Recursos que procedan.
- f) Posibilidade de adoptar medidas preventivas para asegurar o exercicio da potestade sancionadora, disciplinaria ou, en xeral, a execución das resolucións do comité.

Artigo 3.- Da súa composición.

1- Os Comités de Disciplina Deportiva e de Apelación da FGPeC estarán integrados por un número de persoas que irán de 1 a 3 membros, entre os que se designará un Presidente, que tan só poderá ser membro dun dos Comités.

2- Os Comités estarán asistidos por un instrutor, que actuará de Secretario con voz pero sen voto.

3- Será secretario destes Comités o da FGPeC que terá voz pero non voto, agás se fose membro dos mesmos.

Artigo 4.- Da duración do mandato e causas de abstención e recusación.

A duración do cargo coincidirá coa da Asemblea Xeral que os nomease e ao longo deste tempo só cesarán por renuncia ou dimisión, falecemento, incapacidade física ou psíquica, perda da condición de membro da FGPeC ou sanción que o inhabilite para o cargo.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



Artigo 5.- Das funcións dos Presidentes dos Comités de Disciplina Deportiva e de Apelación da FGPeC.

1- Serán funcións dos Presidentes destes Comités as seguintes:

- a) Gardar e facer gardar as normas e disposicións que regulan a materia da súa competencia velando pola súa máis estrita observancia, así coma vixiar a boa orde e funcionamento do Comité, o normal despacho dos asuntos encomendados e o cumprimento das obrigas relativas aos seus compoñentes.
- b) Convocar e presidir as sesións que teña que desenvolver o Comité, dirixindo as súas deliberacións.
- c) Exercer a representación do Comité perante cualquera organismo, entidade ou persoa, en toda clase de actos.
- d) Autorizar coa súa sinatura as comunicacións, actas e cantos outros documentos do Comité foran mester.

Artigo 6.- Do Instrutor do Comité.

1- O Instrutor, que actuará de Secretario, terá as seguintes funcións:

- a) Prestar a asistencia necesaria ao Presidente e Vocais do Comité, en todos aqueles asuntos que lle estean atribuídos, coordinando os traballos que en su seno se realicen.
- b) Preparar de maneira concisa e completa os resumos dos expedientes, ademais dos informes e actuacións imprescindibles para o debido coñecemento dos membros do Comité
- c) Coidar do cumprimento e observancia de tódolos trámites, advertindo dos defectos de forma e eivas dos que puideran adoeecer, poñendo, de ser o caso, os medios necesarios para a súa emenda.
- d) Levar a custodia dos Libros de Entrada e Saída de Documentos e dos que ordenara abrir o Presidente, así como a correspondencia oficial do Comité
- e) Conservar e custodiar os expedientes, actuacións, documentos e selo do Comité postos ao seu cargo, gardando o debido segredo e discreción.
- f) Expedir, co visto e prace do Presidente, as Certificacións que procedan, así coma os testemuños, con respecto ás actuacións e resolucións que se adopten.



Praza Agustín Díaz, 1 local 5
Complexo Deportivo Elviña
15008 A Coruña
tfns.: 607881916 /
677535526 / 677535699
<http://www.fgpesca.org>
federacion@fgpesca.org
V15141328



g) Levar a cabo a instrución dos expedientes, de acordo coas disposicións deste Regulamento e dos que legalmente lles sexan aplicables.

2- O Instructor do Comité de Disciplina Deportiva, que será único agás cando fose recusado, en cuxo caso o Comité nomeará outro que se denominará Instructor accidental, actuará con independencia total dos membros do propio Comité, así coma dos demais órganos da FGPeC .

Artigo 7.- Dos Vocais.

1- Os Vocais do Comité de Disciplina Deportiva e de Apelación teñen a obriga, no exercicio das súas funcións, a coidar coa maior dilixencia da custodia dos expedientes que lles sexan entregados, así coma gardar a debida reserva sobre o contido dos mesmos.

2- Os Vocais serán os encargados e responsables, xunto co Presidente, do estudo das denuncias, recursos e iniciativas presentadas para a iniciación dos expedientes, así coma do estudo dos mesmos e dos seus resumos, decidirán mediante votación sobre o contido das propostas de resolucións que presente o instructor e conformarán, coas súas decisións, as resolucións que o Comité deba acordar sobre os citados expedientes.

Artigo 8.- Da suspensión e cese dos membros.

No caso de que os membros do Comité incorran en manifestas actuacións irregulares, en infraccións á lexislación deportiva de maneira grave, ou en algunha das causas que impiden o exercicio de funcións públicas, poderán ser suspendidos ou, no seu caso, cesados, de conformidade co previsto nos Estatutos da FGPeC ou lexislación aplicable.

Artigo 9.- Das normas de procedemento.

O procedemento de tramitación e resolución dos expedientes disciplinarios perante o Comité de Disciplina Deportiva axustarase substancialmente ao previsto neste Reglamento. Con carácter supletorio aplicarase a lexislación e regulamentación da Comunidade Autónoma en materia deportiva, a normativa sobre procedemento administrativo común e regulamento para o exercicio da potestade sancionadora da Administración, agás para as consecuencias derivadas da violación das regras de competición que se rexerán polas normas específicas deportivas que regulen as infraccións e sancións aplicables a cada persoa, colectivo ou entidade afectada, dentro da súa correspondente modalidade deportiva, normas sobre cuxa legalidade sempre poderá pronunciarse e decidir en cada caso.



Praza Agustín Díaz, 1 local 5
Complexo Deportivo Elviña
15008 A Coruña
tfns.: **607881916** /
677535526 / 677535699
<http://www.fgpesca.org>
federacion@fgpesca.org
V15141328



Artigo 10.- Das comunicacións aclaratorias.

O Comité, previa solicitude do interesado, formulada por escrito no prazo máximo de cinco días hábiles contados a partir do día seguinte ao da notificación poderá, se o estima, aclarar os acordos e resolucións adoptados, no prazo de quince días hábiles, a contar dende o seguinte ao da recepción da correspondente solicitude.

Artigo 11.- Da natureza e execución das resolucións.

As resolucións do Comité de Disciplina Deportiva, ditadas en primeira instancia, non esgotan a vía federativa e son recorribles perante o Comité de Apelación. As resolucións ditadas polo Comité de Apelación, dentro das súas competencias, terán carácter definitivo no ámbito da FGPeC e poderán ser recorridas perante o Comité Galego de Xustiza Deportiva consonte á lexislación vixente.

DISPOSICIÓN FINAL

En todo o non previsto na presente Normativa, estarase ó disposto na Lei 3/2012, do Deporte de Galicia, Normas de Desenvolvemento, e Normativa da Federación Galega de Pesca e Casting.



Praza Agustín Díaz, 1 local 5
Complexo Deportivo Elviña
15008 A Coruña
tfns.: **607881916** /
677535526 / 677535699
<http://www.fgpesca.org>
federacion@fgpesca.org
V15141328



**XUNTA
DE GALICIA**



**DEPORTE
GALEGO**